

Z cyklu: W ceni kòmùdë - 19

To mdze le kòpka sztómlów  
I szpòrt, ten niezrozmióny  
Melodia jedna w ùchù  
I noce nieprzespóné...

Lësc, przèdeptniony w nêkù  
I plama nie do spraniô  
Dzes trzasnie òknã przecąg  
Przed znakã zapëtaniô...

Ta mùcha, co nôskwarno  
Wëlecec nie chca z jizbë  
W szëflôdã górscą zgarną  
Na niwczorowé prizë...

Wëczëszczą twòje lopczy  
Z kòmputerowëch disków  
Wspòmink z pamiãcë snòdczi  
Jak môtpa môtpã wiskô...

(...)

Jesz zaòstónie słowò  
Pisóné z serca bicym  
Na nieòdgadłą drogã  
Przed "Z Bògã òstanita..."

Tómk Fópka, Chwaszczëno, 21 gromicznika 2024 rokù, gòdz. 5.14 d.p.